



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XXXVI. Epistola Episcoporum Mesopotamiæ, Ad Leonem Imperatorem.
Religiosissimo atque piissimo & Christianissimo Augusto, & a Deo
coronato & honorato imperatori Leoni, Maras, Maronius, Noe, Eusebius, ...

urn:nbn:de:hbz:466:1-14887

ANNO
 CHRISTI
 451.
 Abrahamus episcopus Circisi, similiter.
 Basilius episcopus Balicnsis, similiter.
 Ioannes episcopus Carenfis, similiter.

XXXVI.
 EPISTOLA

EPISCOPORVM MESOPOTAMIÆ,
 AD LEONEM IMPERATOREM.

*Religiosissimo atque piissimo & Christianissimo Augusto, & a
 Deo coronato & honorato imperatori Leoni, Maras, Maro-
 ninus, Noe, Eusebius, Reticius, Valaras, Maras, Abraha-
 mius, episcopi vestræ Mesopotamiæ regionis.*

OMNIVM Christus atque saluator, qui humanum ge-
 nus tamquam facturam propriam miseratus, ab im-
 pietatis profunditate & ignoratione peccati ad celsitudi-
 nem scientiæ pietatis euexit, & lumen quidem ecclesiam
 suam, id est, corpus fidelium nominavit; inuictam vero
 eam etiam inferni portis esse constituit, & operationibus
 eam tamquam Deus vndique roboravit; non solum per
 piscatores discipulos suos, magnum mysterium veritatis
 annuntiantes, non iam humanæ prudentiæ verbis, sed cæ-
 lesti sapientia & ignea sancti Spiritus lingua fundavit &
 auxit, sed etiam per pios postea principes, & collaboran-
 tes piscatoribus, ad prædicationem pietatis euexit. Quo-
 rum pii imperii successorem, & fidei salutaris heredem
 etiam nunc suis donavit ecclesiis, & omnibus quæ sub
 cælo sunt, rebus, tranquillissimam Christianitatis vestræ
 potentiam, ad confirmationem ecclesiasticæ pacis, sal-
 uantis vos spe simul & fide, & constantiam totius orbis
 terrarum, & pelagi rationalis fidelium populorum. Igitur
 a Deo propter insertam vobis fidem hanc & pietatem re-
 galia scepra suscipientes, Christianissime principum,
 mansuetudine atque clementia largitorem remuneratis
 imperii, quando pro humana salute & ecclesiarum pace
 cum sacerdotibus Christi curam congruam ante alias co-
 gitationes, & beneficia tamquam pii principis exhibetis:
 & vt fideles Christi sacerdotes regalibus vestris & piis lite-
 ris honoratis, eosque ad hanc vtilitatem participes vos
 habere non piguit. Huic ergo consilio obedientes, volun-
 tati ac providentiæ vestræ potentiæ altam pacem & lon-

Math. 16.

Concil. Tom. 9.

Qq ij

gaum optantes vitam, congregati in vestra Mesopotamia, ex his quæ apud vos pio proposito gesta sunt, nostram sententiam declaramus. Sanciuit itaque Christianitatis vestræ potestas, vt relegendes oblatas vobis aduersus Timotheum preces, syllabis pietatis vestræ subiectis, indicaremus vestræ tranquillitati, quam de eo sententiam habere possumus, cum Dei videlicet hoc timore facientes. Quas preces non sine dolore, non sine lacrymis relegentes, & scelus non modicum & narrationem auribus terribilem in eis inuenientes, nihil aliud præter hoc dicimus, Christianissime principum, * qui sufficit omni auditui & menti * / quod fidelium, in his quæ nefande a Timotheo gesta sunt, cum hæc vera probentur, iustam contra eum habere vos indignationem, & pias leges vestras erigere, & vt sacerdotes Christi lugeant eum qui talium rerum cooperatore effectus est, & hoc in schemate sacerdotis, cum vtique neque possit esse, neque laicorum vti communionem fidelium, non quia sacerdotis & hominum sibi debeat nomen imponere. Igitur de rebus tristitia plenis & ætibus, hæc a nostra humilitate ad notitiam pietatis vestræ perducta sunt, cum possitis per sapientiam vobis a Deo celebratam, quando in manibus eius vestra corda seruantur, & cogitare decenter ecclesias Christi ab huiusmodi scelere liberare. De spe autem & fide quæ in nobis est, in qua nutriti sumus, & in qua ex hac vita oramus abire, confessionem quam habuimus & habemus, mansuetissime principum, sequentes principaliter, & velut super firmissimum fundamentum nostra verba & vitam super euangelicam & apostolicam prædicationem Trinitatis ædificantes, deinde & expositam a sanctis patribus qui in Nicæa collecti sunt, sequimur fidem: reuerenter autem, & velut tutamen nostræ vitæ, etiam sanctum Concilium quod Calchedone celebratum est, obtinemus atque seruamus, quod nihil in symbolo fidei exposito Nicæa a sanctis trecentis decem & octo patribus est adiectum. Sancta siquidem Calchedonensis Synodus impietatem hæreticorum singulorum temporum abdicauit, & prædicationem Trinitatis confirmare secundum diuinas scripturas, & piissimorum patrum expositiones atque traditiones per omnia festinavit. Hæc & de fide & de spe quæ in nobis pro satisfactione est, et

Locus mendosus.

Præterea.

ANNO
CHRISTI
451.

ANNO
CHRISTI
451.

ANNO
CHRISTI
451.

iam cum timore Dei manifesta vestra facimus potestati, hæc tamquam solita saluare defendimus, hæc cum sacerdotibus Christi pietas vestra tenens atq; confirmans, in pace imperii retinacula gubernabit, ecclesiam Christi immobiliter conseruando, regni cælorum arrhas firmissimas possidebit, & nos sacerdotes & populum fidelem cum studio magno clamare faciet ad Dominum Christum: Saluum fac Domine regem tuum, & exalta cornu eius ^{Psal. 19.} imperii, quod est & erit gloria tuorum Domine sacerdotum, simul & ecclesiarum tuarum.

Maras episcopus vestra Mesopotamiae, incolumem vestram pietatem multis annorum curriculum conseruari ecclesiis Dei & Romano pariter optamus imperio, religiosissime & Christo amabilis imperator.

Zoras episcopus, similiter.

Maronius episcopus, similiter.

Noe episcopus, similiter.

Eusebius episcopus similiter.

Reticius episcopus similiter.

Valaras episcopus similiter.

Maras episcopus similiter.

Abrahamius episcopus similiter.

XXXVII.

EPISTOLA EPISCOPORVM PHOENICIÆ

MARITIMÆ AD LEONEM IMPERATOREM.

Domino amantissimo & Christianissimo, & a Deo decenter honorato imperatori Leoni, Dorotheus, Eustathius, Megas, Theodorus, Rufinus, Cassius, Paulus, Heracitus, Antiochus, Nonnus, Magnus, Thomas, episcopi oræ maritimæ Phœniciae, in Domino salutem.

GLORIFICAT quidem omne genus humanum Dominum Christum, quoniam scriptis vestrae pietatis lætari promeruit: plus autem collaudat Deum chorus sacerdotum, quoniam vestris bonis in communi participatur, & quia rursus ratione præcipua honorem vobisipsis debitum promeretur. Decebat enim eum qui culmen imperii diuina largitate sortitus est, Dei sanctas ecclesias venerari. Optime namque confiditis, quoniam his bene dispositis, omnis manus hostium vertitur in timorem: & qui pridem imprudenter resistere didicerant, propter vestra

Qq iij